

Egei Sasama Polhã Sa Korin O Kediãmokou Nalãma Neĩ

Tawale Ta

Pol ẽ sa Masedonia duo kile dalali, damaleyodele i o sasai, sa Korin tie kediãmokou haba kuguo ta nalãma neĩ. Yobe, o Taitushã sa Korinkou ile, dala dema, Polkou fogou ilemou be, sa ke tie kediãme midihõ kasagai milou gadi ke fogou mou fi boholou iyode tobou kaha. Kenou si o sasai ilo, fi boholou ili mei kediãge wa, Pol ẽme ta-bolofei-mala-siadi-o mei, ogou gai egei tobou di oyade tawale i.

Kegei kaha degemou, fi boholou i o sasai kediã hohõ degemabodomou Polhã kuguo kou kuhe nalãma neĩ. Haba fi bohõ li mei o sasai kediãmokou nalãma neĩbe, ẽme ta-bolofei-mala-siadi-oyode tobolou mou nalai. E dabal kagei kagei degedi kehe nalai.

Ta ta nalaiibe, sa Korin o kediãge Yesukou damaleyodei o sasai, bi mei kediã dogou gu-lamou kou tobou kaha degemou, Pol ẽ sele kefemabeedei tobolou mou nalai.

Polhã kuguo kou nalai kuokou uwagedo tabe kou gue, niou tawaibou, ogou gai egei tolou suluguadi o kediã ta hobou dudamabeede tobou, ni damaleyodei ke makeiye domou.

*Kuguo 2 Korin koŋumaha ta sibige tanou tanou
olou feibe kuhe:*

Ta Hiye 1-7

Polhage dabai, Godiha ta-bolofei-mala-
suluguadi-o kediamokou nei ke tama
dege tobou.

Ta Hiye 8-9

Sa Korin o sasai kedia sele kefema,
damaleyodele i o sasai, sa Judia duo kile
tie kediamokou nelaba dia dalamabeedei.

Ta Hiye 10-13

O ilo kedia Pol susuga tobolou imou, sa Korin
tie o kediane emokou gofoŋu degele imou,
Polha hagi ke doususu.

**Polhage dabai, Godiha
ta-bolofei-mala-suluguadi-o
kediamokou nei ke tama dege
tobou**

(Ta Hiye 1-7)

¹ Ame Pol, Godi yoŋu tagaiyenou ame Yesu
Kelesuha ta-bolofei-mala-siadi-oyodema makai.
Abou, di mogo Timotibou, ele kuguo koŋu
Godikou damaleyodei o sasai sa Korin tiebou,
haba Godiha o sasai, sa sa olou fei, sa Akaia* duo
kile tiebou nimokou nalama neli.

² Di Aye Godibou, di Hiye O Yesu Kelesubou
dilie nimokou habagugueiba, nime bologuado
dalamabadomou.

* **1:1 1:1** Sa Korinbe sa hiye, sa Akaia duo kile delei.

Polhā Godihā ẹ dogōu gudi kẹ bolofeyide tobou

³ Di Godihā hū hebele fogume. Ẹme di Hiye O Yesu Kelesuhā ẹ Aye. Ẹme di Aye, solōu do degedi midihọ kaha ẹ obōu, dimokōu dedej sasagiedi Godi.

⁴ Ele hagi dugumōu be, Godihā elemokōu dedej sasagiedi. Kegei kaha degemōu, elene o hagi dugulu ili kediamokōu dedej sasagilenōu. Godihā elemokōu dedej sasagiedi sagai kenōu tefei, ele o hagi dugulu kediamokōu dedej sasagiedi.

⁵ Hagi hiyedo Kelesuhā dugu sagai keme elene dugulo idi sagai kenōu tefeibe, Kelesuhā ele dogōu guomōu, elemokōu hiyedo dedej sasagiei dala kuhe.

⁶ Ele hagi dugubabe, keme mōu dugulo iyo mei. Ele ni dogōu guoba, dedej sasagie iligi, Godihā ni mamouyadomōu. Damaledo, ele hagi dugudiye, kenōu si Godihā elemokōu dedej sasagieimōu be, elene nimokōu dedej sasagieli. Kegeibasi, nīne hagi, ele dugudi sagai kenōu tefele dugubabe, ni neledo dege dalagualenōu.

⁷ Elege nīme nele dege dalaledade tawali. Yobe, hagi ele dugudi sagai kẹ nīne dugudi kaha, Godihage dimokōu be tefelenōu dedej sasagiledade tawali.

⁸ Mogo diama, nīge ele sa Esia duo kile dalaguali, hagi hiyedo dugulo delei kenōu tawama. Damaledo, ele hagi hiyedo duguo

dalagualibe, nele olou fei mei degei. Elebe tofigile hafei degeidade tawale i.

⁹ Damaledo, elebe didio o sa degei, ta sai fidi o tae o keme toloyode tobou mou hagi dugudi sagai kenou tefei, elene hagi hiyedo kegei ke dugulo i. Hagi ke dugu kahage, elebe olou ele neleyenou ta dalaguale sagai duguli mei, Godiha neleyenou wolou dalalesi bolu dugu. Eme tofigiei haguagiedi Godi.

¹⁰ Elebe kou tolo hafei degeiye, kenou si Godiha figa mugu. Habagene, elebe ke degei sagai kegenou dugulo. Damaledo, elebe Godikou damaleyodei kaha iligi, e ele figa molo udade tawali.

¹¹ Kegei kaha, nige Godiha ele dogou guyedema diho baga tobou ma. Kegeibasi, Godiha o sasai sudo kedia diho baga tobolou ke duloba, e ele habagugueba dogou gulo. Kege degeiba, o sasai sudo kedia ke duguoba, Godikou bolofeyode tobolou ile.

Polhage sa Korin o sasai kediame ta ogou gali mei

¹² Ele hoho degeli kounumaha yobe kou gue, ele fiye tawalibe, ele sa sa olou fei kokou ya ke suluguadibe, elege Godiha midihobolodo kenou defeido milou gamou suluguadi. Nimokou ne, ele midihobolodonou defeido milou ga idi. Midihole milou gadibe, keme sa sibige midihoke mei.

Midiho ele milou gadi keme Godiha habaguguei midihō kenou milou gadi.

¹³ Ele kuguo kou nalama nelibe, ni sasale husouma tawale sagai. Mogogou ta mei, ta sibige olou feibe ni tawale sagai.

¹⁴ Damaledo, ma ta ilo, a nimokou kou nalama nei keme nige sibige defeido ta tawali meiyē, haba ni olou fei husouma tawaibabe, Hiye O Yesuha haguale sawisieie kelegebe, ele nimokou hohō degeiba, nine kenou tefele elemokou hohō degeledade tawali.

¹⁵ Age ni elemokou hohō degele ilidade tawalemou, ele ile ni dugulamou degei. Duguo fogou ileba, haba boholou ma hagulugine, ni duguo fogou ba kuhe hualamou degei. Ni hohō degemabeedema, a nibou de bolou kege gelegulamou kou degeiye fogou.

¹⁶ Damaledo, a sa Masedoniakou ilamou degeibe, a ni ali duo kele duguloyodema kuhe ilamou degei. Haba, boholou ma hagulugine, nimokou hagua feleyodema kuhe ilamou degei. Ni a dogou guba, a sa Judiakou kuhe ileyodema fimaiye fogou.

¹⁷ A kou deyodema fogoube, a fimai bolou degemou fogou li meido. Ma fimaiye sa sibige o ilo kedia fimai sagai kegei mei. Degele meibou, degelebou debe a ta tobou diyō mei.

¹⁸ Godiha e degeleyodei keme e doudo degedi kenou tefei, ane a degeleyode tobou di keme

à d̄ōdo degelam̄ō degedi. Degele meib̄ō, degeleb̄ō debe à ta tob̄ō diyo mei.

¹⁹ Godih̄a dihi, Yesu Kelesuh̄a degei t̄a k̄eme o Sailasb̄ō o Timotib̄ō eige n̄imok̄ō k̄ō hehegie tob̄ō m̄ō Haguei, ege degele meib̄ō, degeleb̄ō de ta tob̄ō diyo mei. Kelesuh̄a ẽ degeleyode tobou k̄eme ẽ d̄ōdo degei.

²⁰ Godih̄a midih̄o bol̄o hegileyodema makai k̄eme Kelesu ẽ Haguei kelegen̄ō damal̄edo tam̄a degei kah̄a degeim̄ō, di tewe, Godih̄a degeleyodei k̄eme ol̄ō fei damal̄edo tam̄a degeiba, di dugulo ile. Kegei kah̄a degem̄ō, di Godih̄a t̄a dulonḡo be, dige Kelesuh̄a h̄uya ken̄ō damal̄edoyode tob̄ō mam̄ō, Godik̄ō hoh̄obol̄ō idi.

²¹ Godi ẽn̄ō degeiye, ifibe n̄ib̄ō eib̄ō de nel̄edo dege dalagua. Yobe, Kelesube dib̄ō de doḡō guo dala kah̄a. Damal̄edo, Godih̄age dibe yōu ẽ bidoyodema makai dalagua kuhe.

²² Ɛ yōu ẽ makabe, Duo Bolofei ke dimok̄ō nei kah̄age, dibe yōu ẽ biyodema hegili. Kegei kah̄a di tawale ibe, bi ol̄ō fei, Godih̄a dimok̄ō habage neleyodei k̄ene ẽ nel̄edade tawale i.

Polh̄a sa Korink̄ō toto ili mei

²³ T̄a à n̄imok̄ō tob̄ō ladi kōūme damal̄edo. Godi yōun̄ō tewe. A sa Korink̄ō toto ili meibe, à n̄imok̄ō hagi nel̄e dafam̄ō kuhe fogou.

²⁴ Eige n̄i Kelesuk̄ō totodo damaleyodemabeedema fisilem̄ō tobol̄ō idiyo mei. N̄ime Godik̄ō nel̄edo dege damaleyodema

dala kehe. Eige ni dogou guba ni hoho degemabdomou kuhe degeli.

2

¹ A nimokou hagi haba ta nele dafamou, a ni sabekou kuhe ili mei.

² A hagi nimokou ta nei debabe, nige amokou be ta hoho degele meido. Niou nou dalale. Amokou hoho degele o ta dala mei.

³ A nimokou ileba hagi dugulobe dafai. Di geleguoba hohobolou sagai ke haba betei degelebe dafamou, a ni doususulamou ta ke kuhe nalama nei. Age nime abou de hoho degele iledade tawai.

⁴ A nimokou fimamou, hagi hiyedo duguo gosolomou, kuguo ke kuhe nalama nei. A nimokou hagi ta nelamou degeli mei. A tagalibe, nige a nimokou solou do hiyedo degelidade tawale ke tagali.

Sa Korin tie o kediage midihō kasagai, o taha diamokou milou keme gebe meiyodemabeedei

⁵ Midihō kasagai milou o taha hagi degei keme amokou degeli mei, nimokou degei. Age emokou gofou degele dafamou kege kuhe tobolou.

⁶ Midihō kasagai milou kaha hebe ke, o sudo ni o kokou nele i keme kege fogou ma.

⁷ Kegei kaha nige gebe meiyodemaba, emokou dedei sagima. Kegeligi, e hagi hiyedo degeba mihikou fiyeiye.

8 Kegei kaha degemou, age ni emokou haba mogo degele ke tagali.

9 A afu ni tefele dugulamou nimokou kuguo ke kuhe nalama nei. Age ni ma ta ke de dulo sesele ili domou tawalamou degei.

10 O tae midihō kasagai ta milou mou, ni ke gebe meiyodeimou be, ane gebe meiyodedi. O tae amokou hagi neimou be, age ni dogou gulamou be, Kelesuha dihile kokou ge gebe meiyode tobou di.

11 Kegeligi, Tamaha di ogou gouba, di mihikou fiyasigeiye. Tamaha fimai olou feibe di kou tewe.

Polha o Taitus dugulo sagai degei

12 A Kelesuha degei ta uwo bolofei ke tolou mou hagulugi, sa Troaskou felemou dugube, Hiye Oha a dabai ke degele kaha a ke soŋugou mou dugu.

13 A felemou dugube, ma mogo Taitus mei degemou, a hagi hiyedo degei. Kegemou, a sa ke tie o sasai kediamokou egema fogou mou, sa Masedoniakou fogou haguei.

Godiha neleyenou ta-bolofei-mala-suluguadi-o kedia Tamaha nele gabadi

14 A Godikou bolofei yode tobolou kuhe, eibe Kelesubou de dogou guo dalamou, Godiha ei wou ma sa sa olou fei Kelesuha degei kaha ta ke hehegiemou suluguadi kaha degemou. Ta bolofei keme ho bolodo ke sagai, o sasai kedia ho dulo idi.

¹⁵ Damalēdo, eibe hō bolōdo kē sã degei. Hō kē foloumōu be, Godihage Kelesuha hōnōu dudi. Hō kēme Godiha kōu moloŋu o sasaiŋbōu, haba makoma mei degele o sasaiŋbōu kedia olōu fei dulo idi.

¹⁶ Makolo ile o sasai kedia me todi kaha hue kē dulo dalaguali kuhe tofigile ile. Godiha kōu moloŋu o sasai kedia me fi gehe degele kaha hō kē dulo dalaguali, tofousogo tofolōu ile. O koyohage yoŋu e neleyenōu Godiha tã bolofei hehegile kē tawalemōu dabai degedi? O kaha yoŋu e neleyenōu be dabai kē degele sagai mei.

¹⁷ O ilo kedia ge Godiha tã hehegile kaha hebe kēme sele hiyedo mala idi, kēnōu si eibe o kedia degedi sagai kege degediyo mei. Eibe Godiha tobōu mōu ya, e tã hehegiedi kēme hebebōu mei, mōu yoŋuwa hehegie suluguadi. Damalēdo, eibe Kelesubōu de dogōu guo dalaguali, Godiha dihi le kokōu e tã kē defeido hehegile idi.

3

Tã-bolofei-mala-suluguadi-o kedia me Godiha midihō ebele kaha dabai o degele i

¹ Ei dabai degedi kaha tã kē tobolōu ilibe, eige haba eiyōu ei hu hebele fogulu? Kegeli meido. Ei o ta tobōu mōu, e ei dogōu guomōu eibe boloyodemōu kuguo ta nalama neli mei. Ei haba nīmokōu ne ta tobōu mōu, ni ei dogōu guomōu eibe boloyodemōu kuguo ta nalama neli mei.

2 Eige kuguo kegei keme hohō mei. Nime kuguo kegei ke sa degei. Obe midihō nī milōu di ke duguoba hobōu, o nīmokōu hehegiēdi o kedīame bolōdade kuhe tawale ile. Kuguo keme o sasai di duledu dala. O sasai olōu fei husoūma tawale ilenōu.

3 Midihō bolōdo, nī milōu mōu tama degei dala keme kuguo, Kelesuha nalai ke sa degei. Damalēdo, dabai ei degedi kahage, midihō bolofei, nī milolōu ili keme kuguo sa degei, naladi biye nalai mei, Godi, yoū kegenōu daladi, e Duo Bolofeiḥanōu nalai. Igi kou nalagali mei, o sasai di duledu nalagai dalagua.

4 Eibe Kelesubōu de dogōu guomōu, Godikōu damaleyodei kaha degemōu, ei nīmokōu kege kuhe tobolōu ili.

5 Damalēdo, eige dabai keme eiyōu ei teweyenōu degediyode tobolōu iyo mei. Dabai ei degedi keme Godiḥa neleyenōu degedi.

6 Godiḥa degeiyenōu, ei e midihō ebele kaha dabai ke degele idi. Midihō ebele keme Mosesḥa kuolōu ta kuguo kokōu be ta nalai mei, Duo Bolofeiḥa midihonōu. Yobe, kuolōu ta olōu feido ke dulo sese ho fogōu babe, tofigilenōu. Duo Bolofeiḥa midihō ebele kahanōu degeiye, o kuhe tofousogo tofolōu ile.

7 Afu, Godiḥa kuolōu ta ke igikōu nalama nei kelegebe, o sasai dulo idiyo mei kedīame tofigile i. Kenōu si Godiḥa hohō hiyedo ke Mosesḥa midihokōu hohogumōu, Israel o sasai kedīage

ē midihokou be defeido dugulo sagai dugulo ili mei, hohō hiyedo kaha degemou.* Hohō hiyedo kou degeiye, haba yonou amafei somouuma iligi mei degei.

⁸ Kegei kaha degemou, dabai ebele, Duo Bolofeiha degeli kaha hohō kahage kuolou ta kaha hohō keme gabama feleido dala.

⁹ Mosesha kuolou ta dudiyo mei kaha hebe keme ta sale kou deleiye, kenou si Godiha nalama nei kelegebe, hohobou de tama degei. Dabai ebele, Godihage, o sasai ē dihile kokou doudo dalaguamabdomou degei kene hohobou de tanou tama degei. Dabai ebele kaha hohō kahanou si afu dabai kaha hohō keme gabama folodo dala.

¹⁰ Godiha dabai afu degeibe hohobou de tama degeiye, kenou si dabai ebele, Godiha habage degei kaha hohō kaha degeiye, afu dabai kaha hohō keme mei degeimou dugulu.

¹¹ Afu dabaibe kou mei degeiye, kenou si dabai keme Godiha hohobou de tama degei. Kegei kaha degemou di tewe, dabai ebele keme mei degediyo mei kaha degemou, ē hohō kahage afu dabai kaha hohō keme gabama folodo dala.

¹² Ei damaleyodema, Godiha hohō ke hiyedo degeyadomou dia dalagua kaha degemou, eige ē ta hehegile ta gue degediyo mei.

¹³ Eige Mosesha degei sagai kege ta degediyo mei. Mosesha midihokou hohō ke hohoguo delei

* 3:7 3:7 Kisim Bek 34:29-30

ke ta somoū li mei kelegebe, e yoŋū e midihobe, Israel o sasaī kediā duguye domoū yukueiye goguomoū kuhe delei.

¹⁴ Afu o kediā fī totoū degele i, yukuei sā degei kahā die fimaī ke goguo dalamoū. Ifine, afu midihō kahā kuguo ke husoŋumoū be, yukueiye gogu sagaī keme yoŋū kegenoū dala. O tae ta igile muguli mei. Kelesuboū de dogoū guo dala kahanoū si yukuei ke igile muguo mei degei.

¹⁵ Damaledo, ifine obe Moseshā kuoloū ta ke husoŋumoū be, yukuei sā degei kahā o sasaī die fī ke gogu dalagua.

¹⁶ O tahā e fī bohouloū ba, Hiye Okoū damaleyodeibasi, Godihā yukuei ke igile muguba, o keme fī gofoŋū dege tawaga dalale.

¹⁷ A Hiye Oyodei keme Duo Bolofeī tobou. Hiye Ohā e Duo Bolofeīhā o takoū dalababe, o keme midihō kasagaī tae hagua dioū gulo sagaī mei. Eme yoŋū sasale dalale.

¹⁸ Di midihobe yukueiye goguli mei, di oloū feibe Hiye Ohā hohō ke duguomoū, dibe yoŋū e sagainoū dalali, e hohoboū de daladi. Damaledo, dibe midihō dugudi galase ke sā degei. Hiye Ohā hohō hiyedo ke dimokoū hohogumoū be, hohō kahage haba bohouloū moū, o sasaī ilo kediamokoū ne hohogudi. Hiye O eme Duo Bolofeī, age e hohō kenoū toboloū.

*Ta-bolofei-mala-suluguadi-o kediamе mihi bi-
lika sa degei*

¹ Godiha ei solou do degei kaha degemou, eige dabai, e eimokou nei keme dafadiyo mei.

² Midiho ei milou di keme ta sidifi degemou, mogogou degedi midiho mei. Ei ogou gai midiho ta milou gadiyo mei. Godiha ta kene ei bohoulou mou haba ta gehe hehegediyo mei, Godi yoou e ta kenou defeido hehegie tobolou idi. Eige damaledo ta ke tamanou do hehegie tobou ba, o sasai tanou tanou dia ei midiho ke file, dioou die fiye tawagaba, eibe Godiha dihile kokou e dabai doundonou degedidade tawale ke tagali.

³ O sasai ilo, Godiha ta uwo bolofei, ei hehegedi kaha sibige ke tawale iyo mei kediamе olou fei makolo o sasainou.

⁴ Sa sibige kuokou ogou gai godiha degeiye, damaleyodili mei o sasai kediamе fi totou dege dalaguali, damaledo ta uwo bolofei ke ta tawale idiyo mei. Kelesube Godi yoou sagai. E ta damaledo keme hoho sa degei. Kenou si dia ta dugulo sagai mei.

⁵ Ni duma. Eige eiyou ei hu hebele fogudiyo mei. Ei Yesu Kelesuha hu kenou hebele fogudi. Damaledo, Yesu eme di Hiye O. Ei e ta kenou dulo seselemou, ni dogou gulamou degeli.

⁶ Afudo huliayenou dalamou, Godiha hulia koduge hoho tama degeyede tobou mou,* hoho

* 4:6 4:6 Stat 1:3

tama degemou haguabe demou, ifine e hoho kaha ei duledu hiyedo hohoguo dala. Hohoguo dalamou, ei Kelesuha midihokou duguomou, Godiha hoho hiyedo ke tawale ili kuhe.

⁷ Godiha ta bolofei keme sibige hiyedo. Eige eiyou ei neleyenou ta ke hehegie tobou diyo mei. Yobe, eibe mih bilika sa degei, sasale gagilenou dala kaha. Kegei kaha degemou, ei Godiha ta ke hehegie tobolou idibe, Godi yoou e nele hiyedo kahanou ei dogou gumou kuhe hehegie tobolou idi.

⁸ Ei hagi hiyedo kou dugulo iliye, kenou si ta mihikou fiasigeiyo mei. Ei fi hiyedo kou ma iliye, kenou si ei fimaike ta makolo iyo mei.

⁹ Obe ei kou makolo iliye, kenou si Godihage eibe ta tou fogouyo mei. Ho oe ei fiasigemabedomou bou basiado kou wala iliye, kenou si ei dolo makolo iyo mei.

¹⁰ Ho o kedia Yesu woumou tolo i sagai kenou tefele, eine wouba tofigileyodema kuhe degele idi. O sasaiye eimokou duguo tawale ilibe, Yesu e hagua gehe degei kaha, e ei dogou guo daladade tawale ili.

¹¹ Ei Yesuha dabai degeimou, ho o kedia ei wala imou, o sasaiye eimokou duguo tawale ilibe, Yesu e haguamou gehe degei dala kaha, e ei dogou guo daladade kuhe tawale ili. E ei dogou gu ho fogou babe, eibe tofigile ile.

¹² Ei ta bolofei ke hehegie suluguadi kaha degemou, ho o kediage eibe wouba tofigi-

leyadomōu degele idi. Kenōu si, ni ei ta ke dulo damaleyodele i kaha degemōu, nime tofousogo tofolou ile.

¹³ Godiha kuguokou be kou gue nalai dala,
A Godikou damaleyodei kaha degemou, a kuhe
tobolou. *Buk Song 116:10*

Eine kenou tefele damaleyodei kaha degemou, ei ta bolofei ke kuhe hehegie tobou di.

¹⁴ Yobe, Godiha Hiye O Yesu haguagi kaha degemou, ei tewe, Godiha eine haguagieba, diyou fei Yesuha duwokou wou ma iledade tawale ili.

¹⁵ Hagi olou fei, ei dugudi keme ni dowoyenou dugudi. Kegei degemou, Godiha o sasai sudo habagugueiba, dia emokou bolofeyodema hohobolou ile.

Ta-bolofei-mala-suluguadi-o kedia Godikou damaleyodema neledo dege deleigui

¹⁶ Ei dabai bolodo, Godiha degei keme ei tawalemou ta dafa idiyo mei. Damaledo, ei tou nou si kou makomou iliye, kenou si ei fiibe sawisie olou fei gehe degeganou daladi.

¹⁷ Ei hagi hiyedo kou dugulo iliye, kenou si eige hagi koume huyadeifei, totonou mei degeledadili. Ei hagi kou dugumou hagulu kahage, eibe hebeni hoho kokou tofousogo tofousogo tofolou dade tawale ili. Hebeni hoho kahage hagi ei dugudi keme gabama folodo dala.

18 Dige sa sibige kuokoū bi di dihoje dugudi kokoū be ta masediyo mei. Bi di dugudiyo mei kokoū noū masedi. Bi di dugudi keme oloū fei mei degele. Bi di dugudiyo mei kenoū si mei degele mei, tofousogodo dalaguale.

5

1 Di koū gue koū tewe, sa sibige kuokoū be dibe falai moso* duledu dalagua sa degei. Falai moso ke makoubabe, Godiha moso dimokou nelamou degeli ta dala. Moso keme oe tegeli mei, hebenitou moso, tofousogodo dalale.

2 Sa sibige kuokoū di fiibe hiyedo gosolo ili, di hebenitou moso, yukuei sa degei ke kaleyadomou be.

3 Yukuei gehe ke koūbabe, dibe bese dugulo mei.

4 Di sa sibige falai moso kuokoū daladibe, di hagi hiyedo duguomou gosolo idi. Di yukuei koū ke telebe gue degele idi, haba hebeni yukuei gehe ke kale kenoū si koū tagale idi. Kegeibasi, di toū todi keme mei degeiba, toū gehe ke yooū kegenoū dalale.

5 Godi yooū dibe tofousogo kegenoū dalam-abadomou kuhe milou. Di dalamou, Godiha dimokou bi ebukou dobe Duo Bolofei ke nei,

* 5:1 5:1 Kooume ta makai. Falai moso keme di sa sibige kuokoū toū noū. Hebenitou moso keme di toū gehe, Godiha damaleyodele i o saaj dimokou nemou ile.

dige hebeniha bi olou fei kene dimokou neledade tawamabadomou.

⁶ Kegei kaha degemou, dibe sawisie i olou fei neledo dege kou tafalaguaye, kenou si sa sibige tou kouubou de dalagua kou legebe, dige Hiye Oha duwo sakou be ta dalaguale sagai meidade tawali.

⁷ Kou legesi, di emokou damaleyodema suluwadi. Eme di diho ye dugudiyo mei.

⁸ Damaledo, di neledo dege dalaguali, sa sibige tou kouu tou fogou ba, Hiye Oha duwo sa kotou fologalamou degele ili, kegeiba sa e dala keme di sa degele.

⁹ Di sa sibige kuokou dalagua debane, haba hebenikou dalagua debane, dige sawisie i olou fei, midihou, Hiye Oha tagale sagai kenou milou galamou degele idi.

¹⁰ Yobe, di olou feibe Kelesuha dihile ta sai kou tafalaguali, sa sibige kuokou ge degegai kaha hebe keme tobou ba di dulo ile. Di midihou bolou milou gamou haguei debabe, youtu e hebe kenou mala ile. Haba midihou kasagainou milou gamou haguei debane, youtu e hebe kenou mala ile.

Dige o kedia dogou guoba Godibou de fi tanou degeme

¹¹ Damaledo, eibe Hiye Okou gue degemou e hayedu dalagua kaha degemou, eige o sasai Godikou damaleyodemabeede kuhe tobolou idi. Godiha tewe, eibe e dihile kokou midihou bolonou

miloū ga idi. Ā tawali, nī fiyene tawale ilibe, ei midihobē doudonoū dade tawale ili.

¹² Kegē toboloū idi kahā sibigebē ei eiyoū ei hū hebele fogulō idiyo mei. Nīgē midihō̄ ei miloū gadi kokoū hohō̄ degemabadomoū ei kuhe nalamā nel̄i. Kegeī degemoū, o ilo kediā diōū die hū hebele fogubabe, nīgē ei midihō̄ bolō̄ ke diamokoū toboū ma. O kediāgē o duledu dala kokoū hohō̄ degelē idiyo mei. Haba die kolo tagetoū, di dugudi kokoū noū hohō̄ degelē idi.

¹³ Kenoū si nīgē wa, tā ei hehegiēdī kemē totoū degeiyade tawaibabe, taboū meiyē, kenoū si nīgē eibe Godihā dabai degedidade tawama. Nīgē tā ei hehegiēdī kemē doudō tadade tawaibabe, nīgē ei nī dogoū gulamoū toboū didade tawama.

¹⁴ Kelesuhā di soloū do degei kahā degemoū, eigē Godihā dabai degelē ta dafā idiyo mei, hiligedō degedi. Yobe, ei tewe, o tanoū feī kahā o oloū feī di dowoye tolo i kahā degemoū, di oloū feibē bolō̄ degei dalaguā kuhē.

¹⁵ Ē o sasāi di dowoye tolo ibe, dibē diyoū sienoū fī hiyedō maga suluguadamabadomoū kuhē tolo i. Kegeī degemoū, dige, ē di dowoye tolo imoū Godihā haguagī kokoū noū fimabā suluguame.

¹⁶ Kegeī kahā, ifī koū boū ge tofougoū ilebe, sa sibigē o digē di mogō diā figadame. Afudo, digē Kelesunē koū kegē figā idiye, kenoū si ifibē kegē ta degelē iyo mei.

¹⁷ O koyohā̄ ɛ̄mē Kelesuboū de dogoū guo

dalababe, Godihā degeiye, ɛ gehe dege dalale. Afu degedi midihō keme mei degele. Midihō gehe kahanōu ɛbōu de dalale.

¹⁸ Godi yoŋu degeiyenōu, di gehe dege dalagua kuhe. Afuge dibe Godikōu ho dege deleigueiye, kenōu si ɛ Kelesu tobōu mōu hagua, dibōu de dogōu guo delei kaha, di Godibōu de kuhe mogo degei. Ɛ dibōu de mogo degema, eimokōu dabai koŋu neibe, o sasai olōu fei di ɛbōu de mogo tanōu degele kaha dabai ke nei.

¹⁹ Damaledo, Godihā Kelesu tobōu mōu haguei kaha degemōu, sa sibige o sasai kediamokōu be die midihō kasagai kaha hebe ke ta nele sagai mei. Godihā degei kaha ta keme yoŋu eimokōu tobōu mōu, ei kuhe hehegie suluguadi.

²⁰ Kelesuha eimokōu tobōu di kenōu ei Godihā huya ke tobolōu idi kaha degemōu, eige nime Kelesuha yoŋunōu dogōu guo dalaba, Godihā nibōu de mogo degele ta ke kuhe dumabeede tobolōu idi.

²¹ Midihō kasagai olōu fei, di milōu ga idi kaha hebe kasagai hiyedo keme Godihage kefema dimokōu ta nelī mei. Haba midihō kasagai milōu diyo mei o emokōu nōu nei, ɛ di dogōu guyadomōu. Damaledo, di Kelesubōu de dogōu guo dalaguababe, Godihage dibe ɛ dihile kokōu doḡdo o sasai dalaguaba dugulo.

Ta-bolofei-mala-suluguadi-o kedia haji hiyedo dugulo i, Godiha dabai degele idi kaha degemou

¹ Eibe Godibou de dogou guo dabai degeli kaha degemou, ei nimokou neledo dege kou gue tobolou, Godiha habagugueibe nibou de dala kaha degemou, ni mou yowuwa suluguadama, Godiha solou do nimokou nei ke ta sibige dege ho fogouye domou.

² Godiha kou gue tobou,

A na dogou gulamou makai sawisie kelege, na diho baga tobou mou a du. Sawisie kamahanou a na mamou lamou kuhe dogou gu. *Aisaia 49:8*

Godiha kuguokou be kege nalai dalamou, a nimokou tobolou kuhe, sawisie kowumahanou Godiha ni dogou gulo. Ifi e ni mamolowuyodema dala kuhe.

³ Obe ei dabai degedi keme kasagayodeiye domou, ei o takou haji ta nediyu mei. Kegediyo meido.

⁴ Eibe Godiha dabai degedi o kaha degemou, ei o sasai dihile kokou midihole bolonou milou ga idi. Ei ta dafadiyo mei. Hagine sudo dugumou haguasiei, oene ei makolamou degemou haguasiei, mou yowuwane tiamou haguasiei, kenou si ei neledo dege dalaguadi.

⁵ O ilo kedia ei wala idi, ei didihole degele idi, o sudo kefema ei walamou degele idi, kenou si ei neledo dege dalaguadi. Ei haba dabai hiyedo

degele idi. Huliāmene tiasigeiyo mei, hegiene hiyedo dugulo idi.

⁶ Ei midihō sibigi mei ke milōu ga idi. Ei tewe dala. Eige o sasai dogōu gulobe ta dafa idiyo mei. Eibe Duo Bolofei yo unōu dogōu guo dalamōu suluguali, ei taenōu tobolōu idiyo mei, solōu done degele idi.

⁷ Ei damaledo ta kenōu hehegie tobōu dibe, ei Godiha neleyenōu tobōu di. Damaledo, eibe biyadi o kedia sagai degei, dobogo u delebōu, dobogo u fofobōu de ei midihō doḡdo midihō keme tabōu malabōu бага tōu ma dalaguadi.

⁸ O ilo kelege eimokōu yilo idi. Haba o ilo kelegesi eimokōu hohobolōu idi. Damaledo, o sasai ilo kelege ei susuga tobolōu idi. Haba o ilo kelegesi eibe o boloyode tobolōu idi. Eige Godiha ta damaledo ke hehegie tobolōu idiye, kenōu si o ilo kelege eibe ogōu gai egei tobolōu idi oyodele idi.

⁹ O ilo kelege eibe mōu oyodele idiye, haba o ilo kelegesi eibe Godiha dabal degedi o bolodoyodele idi. O ilo kelegebe Godiha ei egele wodiyode tobolōu idiye, kenōu si damaledo mei. Ei ta tofigili mei, eibe dalagua kuhe.

¹⁰ Ei hagi dugudiye, kenōu si ei hohō dege dalagua. Ei bi ta meiyē, kenōu si ei degeiyē, o sasai sudo bi hiyedo malamōu bologuado dalagua. Damaledo, ei bi meiyē, kenōu si ei bi bolodo olōu fei ke kōu tolōu dalagua.

¹¹ Sa Korin o sasaj̄ diama, ei n̄imokoū tama dege toboloū kuhe, ei fimaībe ta mogogoū yo mei. Yobe, ei n̄imokoū soloū do hiyedo degeli kaha degemoū.

¹² Eige n̄ime tobekoū muguli mei. Ei n̄imokoū soloū do degeli. Ninoū si eibe soloū do degeiyo mei, ei tobekoū mugu dala.

¹³ Dihi aye taha e sisigo diamokoū toboū di sagaj̄, a n̄imokoū kenoū tefele toboū ladi, ei n̄imokoū soloū do hiyedo degedi sagaj̄, n̄ine eimokoū kenoū tefele soloū do degema.

Dibe Godiha moso

¹⁴ Damaleyodili mei o kediaboū de dogoū guo dalaguadama. Midiho doūdo midihoboū, midihokasagaj̄ miloū di midihoboū diliebe de geleguo dabai degelenoū? Kegele mei. Hohoya siadi kahage huliaya ke siadiyo mei, esofei esofei dei dala.

¹⁵ Kelesuboū Tamaboū diliebe fi tanoū degediyo mei. Haba, damaleyodei oboū, damaleyodili mei oboū diliene fi tanoū degediyo mei.

¹⁶ Diboū ogoū gai godiboū de dabai ta degeleyodema degele idiyo mei. Dibe yo[ū] kegenoū daladi Godi e moso, yo[unoū] kege toboloū kuhe, A diaboū de duwoli, dia duoya kile siale. Ame die Godi. Diame ma o sasaj̄ dalale. *Wok Pris 26:12*

¹⁷ Kegei kaha degemoū, Hiye O Godiha toboloū,

Niḡe midihō kasagai milolōu idi o sasai kediamē
tōu fogōu ma. Haba diābōu de ta dogōu
guo dalaguadama.

Bi sibigibōu dala kēme hobōu ta kugudama.

Gelegu ho fogōu babe, a ni moloŋu. *Aisaia 52:11*

¹⁸ Hiye O Godi, e nelebe hiyedo folodo, yoŋu kōu
gue tobolōu,

A ni aye dege dalaba, haba nime mā sisigo dege
dalale. *2 Samuel 7:8, 14*

7

¹ Mā mogodo diama, Godiha degeleyodema
maka degegai kēme dimokōu tobōu di kaha
degemōu, di sibigi olōu fei, di duledubōu, di fibōu
kokōu dalagua ke igisema mei degema, Godiha
dihile kokōu sibigi meido degeba dalaguame.
Kegeibasi, di Godiha hayedu dalalibe, dibe e
sagai dege dōudo kegenōu dalaguale.

*Sa Korin o sasai kedia fi boholōu imōu, Polha
hohō hiyedo degei*

² Ni ei tobekōu mugudama. Eimokōu solōu do
degema. Eige ni o takōu midihō kasagai ta milōu
li mei. Ei ni o ta makeli mei. Haba ei ni o ta ogōu
gama, e bi ta hiyouye mōu li mei.

³ A nīmokōu hagi nelamōu kege tobōu yo mei.
A nīmokōu kōu gue kōu tobou, di sa sibige
kuokōu sosou dalagua debane, ha kōu tofigiei
debane, ei nīmokōu solōu do hiyedo degeleyode
tobou kēme damaledo ta tobou.

⁴ A n̄imokōu tobolōu be ta guē degeiyo mei. N̄ime o sasai bolodo kaha degemōu, ma fimaiibe bolonōu dalali, n̄imokōu hohō hiyedo dege dala. Eibe hagi sūdo kōu duguluye, kenōu si n̄i fī boholōu i kahage n̄i amokōu dedei sasagieimōu, a hohō hiyedo dege dala kuhe.

⁵ Ei sa Masedoniakōu haguasie felegamōu, sa duo kile deleigueibe, bologuado deleigueli mei. Hagi ei dugumōu hagueibe, o ilo kedia eibōu de tae biya imōu, ei guē hiyedo degele idi.

⁶ Kenōu si, Godiha hagi dugulo idi o kedia dedei sasagiedi, e degeiye, Taitusha hagua felei kahage, ei dedei degei.

⁷ Kenōu si, kenōu mei. Taitusha hagua felemōu, n̄ine emokōu dedei sasagieiyode tobōu mōu, ei dulomōu, dedei degei. E eimokōu kōu guene tobou, n̄i ame dugulo sagaibōu, solōu dobōu, mogo degele sagaibōu de hiyedo degele iliyode tobōu mōu ei dulo i kaha degemōu, a hohō hiyedo degeli.

⁸ Age ma kuguo n̄imokōu nalama nei kahage, n̄i hagi degele idade tawaliye, kenōu si age keme defei ta solōu do degeiyo mei. Afu, nalama nei kelegesi, a huyadefei solōu do degei, yobe, n̄i huso□uma hagi degele idade tawai kaha degemōu. Ifibe a defei ta solōu do degeiyo mei, yobe hagi n̄i degei keme toto mei degei kaha degemōu.

⁹ Ifibe a hohō degeli. N̄i hagi degei kaha, a hohō

degeiyo mei. Nī kōu hagi degele iye, kenōu si nī fī boholōu i kaha degemōu, a kuhe hohō degeli. Keme Godiha degeiye, nī hagi ke duguomōu fī boholōu i. Kegemōu a tewe, kuguo a nalama nei kahage nī ta makeli mei.

¹⁰ Hagi, Godiha nēdi kahage o sasai dibe fī boholōu nou. Fī bohōu babe, Godiha di mamoloū. Kegei kaha degemōu, Godiha fī bohōu mabeede tobōu babe, hagi degedama. Kenōu si o taha sa sibige kuokōu haginōu dege dalababe keme tolonōu.

¹¹ Nī fimama. Godiha degeiye, hagi nī dugu kahage, nī midihō bolōdo ke milōu ga ili kuhe. Nī kesigiemōu, nīōu sie doususulo i. O midihō kasagai milou kene nige doususulo i. Haba tabe, nī Godikōu ne gue degemōu, eimokōu solōu do degele ili. Damaledo, midihō kasagai milou o keme nige doususumamōu, midihō bolō ke defeido hehegile i. Nī hagi ke doususumōu haguasiei kaha degemōu, age nīme hebe kasagai ke ta moloū meidade tawali.

¹² Kuguo, a afu nīmokōu nalama nei keme midihō kasagai milou o ke doususuyadomōu nalama nelī mei. Haba o ta, midihō kasagai milou o kaha degeiye hagi dugu kene a dogou gulamōu ta nalama nelī mei. Godiha dihile kokōu, nige eimokōu solōu do degeidade tawam-abadomōu ei kuhe nalama nīmokōu nei.

¹³ Nī fī boholōu mōu, midihō bolō ke milolōu yode tobōu mōu dulomōu, ei bologuado dalagua.

Taitusha haguamou, nime fi boholu iyode tobou mou du kahage, ei bologuado dalaguali dugube haba Taitus yofu eme hoho hiyedo degeimou dugu. Yobe, ni Taituskou dedei sasagieimou, e hoho degema fogou hagua felei kaha degemou, eine hoho hiyedo folodo kegenou dalagua.

¹⁴ Afudo, age Taituskou be, nime midihou bolodo kenou milou gadiyode tobou mamou, a ni hu ke hebele fogu. A ke tobou kaha sidifi ta degeli mei, damaledo ta kenou tobou. Ta olou fei ei nimokou tobolou i keme damaledo ta kenou tefei, midihou bolou, ni milou gadi kaha ta ei Taitus emokou kou tobou kene ege damaledo dugu.

¹⁵ Taitus e nimokou ile foloumou, ni guge dege, dio keibou de e wolou dalaguamou, e Godiha ta bolofeido ke tobou mou, ni dulo i. Ifine e nimokou fimamou, e nimokou solou do hiyedo degeli.

¹⁶ Ane ifibe hoho degeli, yobe, ni midihou bolodo milou ga ilidade tawalemou.

**Sa Korin o sasai kedia sele
kefema, damaleyodele i o sasai,
sa Judia duo kile tie kediamokou
nelaba dia dalamabeedei**

(Ta Hiye 8-9)

8

Damaleyodei kedia sa Judia tie kediamokou

sele solou do nelamou kefele i

¹ Mogo diama, ei nimokou tawale ta kou tobou ladi. Godiha sa Masedonia duo kile tie o sasai, damaleyodele i kedia habaguguemou dogou gudi.

² O sasai kediamme hagi hiyedo dugulo iye, haba hoho hiyedone degele i. Diame kou bi meidoie, haba bi mei o ilo kediamokou solou do degemou, sele hiyedo kefema nele i.

³ A doudo tobolou kuhe, dioou tagaiya kenou sele kefema nele ibe, bi dia nele sagai keme olou fei nei. Ke nele fogou mou habage kegenou nemou i.

⁴ Damaledo, sa Masedonia tie kedia eimokou yoduga ibe, diame sele kefemaba, Godiha o sasai, bi mei kediamokou neleyodema yoduga i.

⁵ Eige diame selenou neleyode tawale iye, ha dia nei kahage ei fimai ke gaba feleido. Dia dioousie Hiye Okou nelemou, haba Godiha tagaiya ke dioousie eimokou ne nele i.

⁶ Afu, Taitus e sele kefema solou do nedo dabai ke ni sabekou ge yoma degei. Kegei degemou, ei emokou be, na sa Korinkou bohoulou ma ile dugu, sele kefema mei degeli mei debabe, dabai ke toto degema mei degemabeede tobou yede tobou.

⁷ Nime midihog bolodo kenou milou ga idibe, keme Godikou damaleyodema neledo dege dalaguali, e ta ke dedei dege hehegie tobolou idi. Nime tewe hiyedo dalali, Godiha dabai hiyedo degelamou degele idi. Eimokou ne ni hoho

degele idi. Kegei degemōu, nī solōu do degedi dabai kene defeido degema.

⁸ A nīmokōu diaseiyo mei. O sasai ilo kedīa sele kefedī dabai ke hiyedo degele ili kaha degeimōu, a tawalamōu degeli, nīne bi mei o sasai kedīamokōu de solōu do degele ile domōu kuhe tobolōu.

⁹ Nī tewe, di Hiye O Yesu Kelesu e dimokōu solōu do hiyedo degemōu, yo usie dimokōu neī. Hebeni bi olōu feibe ebōu de kōu deleiye, kenōu si e hebeni tōu fogōu, sa sibige kuokōu migi. Nī dowoye, eme bi mei o бага siei, nī hebenikōu bi ke malaba bologuado dalamabadomōu.

¹⁰ Sele kefema solōu do nēdi dabaibe, a nīmokōu egele tobōu ladi. Sadebe ta kōu mei degei kaha, nībukōu sele yomogōu kefele ibe, nī dabai ke hohō hiyedo dege degele i.

¹¹ Nīme sele toto kefema. Afu nī dabai ke yomogou kelegebe, nī hohō hiyedo degele i. Kenōu tefele, nī dabai ke toto hohō dege degema mei degema. Nī tanōu tanōu be, sele nī nele sagai dalaba kenōu nema.

¹² O taha bi ta solōu do nelaba degeibabe, Godihage bi ke hohō dege molo u. Damaledo, bi hiyedo neibane, bi huyadefei neibane, Godiha hohō dege molo u.

¹³ A nīme bi mei kaha hagi degeiba, ha sa ta o sasai ilo kedīasi bibōu de bologuado dalale ke ta tobōu yo mei. Age di olōu fei tefei tefinōu dalamebeede tobolōu.

14 Ifibe n̄ime bi hiyedo dala. Bi mei o kediamokōu nelenōu. Haba sabita n̄i bi mei degeibane, o kediamē bi dalaba, n̄imokōu ne nele. Kegeibasi n̄i olōu fēi tefei tefeinōu bologuado dalaguale.

15 Godiha kuguokōu be kōu gue nalai dala kenōu tefele degema.

O nale hiyedo mala idi o kediamē nale hiyedo daladiyo mei.

Haba o nale huyadefei mala idi o kediamē nale ta mei degediyo mei. *Kisim Bek 16:18*

Polha o ilo kedia tobou mou, sa Korinkou yai

16 A Godikōu bolofeyode tobolōu kuhe, Taitus ene n̄imokōu solōu do degedi kaha degemōu. Godiha degeiye, a n̄i solōu do degedi sagai kenōu tefei, Taitus ene n̄imokōu solōu do degemōu, e n̄i dogōu gulamōu hiyedo degeli.

17 Ei Taitus eme n̄imokōu iyede tobou mou, ege bolofeyodema ilamōu hohō hiyedo degei. Yoŋu e fimaiyene e n̄imokōu kōu ilamōu degeli.

18 Ei damaleyodei o tane tobou ba, Taitusbou de ile. Eme damaleyodele i o sasai, sa sa olou fei tie kediae ta uwo bolofei hehegiedi dabai bologuado degediode tobolou idi.

19 Haba tabe, o keme damaleyodele i o sasai kedia maka ibe, eme eibou de ile, sele kefei ke mala ileyodema maka i. Sele kefema solou do nedi dabai keme ei mou yoŋuwa degeiyo mei, ei Hiye Okou hohobou lamou degele ili. Haba eige,

o sasaj olou fei kediage ei hohō degeba, sele ke defeido mala iledade tawale ke tagali.

²⁰ O tae eibe sele hiyedo ke defeido ta dia dalale meiyode tobolou be ei dafa.

²¹ Eige Godibou, o sasaj kedibou die dihileya ke midihō bolonou milou lamou degele ili.

²² Damaleyodei o tane ei tobou ba, e Taitus diliebou de ile.* Ei o keme dabai nemou haguabe demou dugube, eme dabai bologuado degeimou dugulo i. Ifibe e nime midihō bolō milou gadi ke tawali kaha degemou, e solou do degedi dabai ke degelebe hohō hiyedo degeli.

²³ O Taitus eme ni tewe. Eme ma mogo, ele dabai tanou degedi, ni dogou gulamou. O bolou diliebe, damaleyodele i o sasaj, sa sa olou fei tie kedia tobou mou, dilie eibou de dabai kuhe degele ili. Dilie dabai degele idi kaha degemou, o sasaj kedia Kelesukou hohobolou idi.

²⁴ Kegei degemou, o kedia ya ni sabekou folo dugulobe, ni sele kefema solou do nedi dabai degeiba duguoba, ta uwo ke mala sa sa olou fei tefeiba, damaleyodele i o sasaj kediage ni solou do dabai degedi kaha ta ke duloba tawalebe, ei nime midihō bolō milou ga idi o sasayode tobolou idibe kou damaledo tobolou ididade tawale ile.

9

* 8:22 8:18, 22 O bolou dilie hupe di tewe mei.

Sele kefema, damaleyodei o sasai, bi mei kediamokou solou do neyede tobou

¹ Nime damaleyodele i o sasai kediamokou sele kefema solou do nele keme olou fei kou tewe kaha degemou, a nimokou tawale ta ke sasado ta nalama nele sagai mei.

² A nime bi mei o sasai kediamokou hiyedo dogou gulamou degele ilidade tawali. Damaledo, a sa Masedonia kou le tie o koudiamokou ni hu hebele foguomou kou gue tobou di, sadebe kou tolou hagua mei degei kelege, sa Akaia duo kile tie o sasai kedia sele kefema, bi mei o sasai kediamokou solou do nelamou degele iyode tobolou i kaha degemou, sa kou le tie o sasai sudo kediane ni degedi sagai kenou tefele degele ili kuhe.

³ Kenou si, a ni hu ke taenou hebele foguo tobolou keme dafa. A nime sele kefema solou do nedi dabi ke degema mei degeiyode tobou kaha degemou, ni solou do neleyodemaba sele toto kefema dogoguoba kuhe baha duwoma. Kege degeiba, a ma mogo dia tobou ba, dia dabi ni kele degeli ke dugu yale.

⁴ Age nime sele kefema dogoguo daladade tawali, kenou si sa Masedonia kou le o ilo koudia eibou de nimokou ya fologa dugu, sele kefema dogoguli mei debabe, eibou nibou de sidifi degele iye.

⁵ Kegei degemou, a ma mogo dia tobou ba diabukou ya, sele hiyedo, ni solou do neleyode

tobou keme dia ni dogou guo toto kefema mei degele. Kegeibasi, a nimokou ile foloba, ni sele hiyedo kefema mei degema dalaba dugulo. Ni kegeligi, ilo kelege dafai dalaba sele ke kuhe neiyе.

⁶ Ta makai kome totou degedama. O tae nale hou huyadefeinou sogoubabe, nale segei keme huyadefei moloou. Ha, o tae hiyedo sogoubabe, nale segei keme sudo moloou.

⁷ O sasai tanou tanou niou ni fimaiye nelamou degeli kenou nema. Nele dafama neibabe, bolou mei. Haba o tae diasele toto neyede tobou ba neibane bolou mei. O koyoha hoho degeba bi ta solou do neibabe, Godihage o kokou be hoho hiyedo degele.

⁸ Godiha nimokou bi hiyedo nelababe, e solou do nelenou. Nine kegeibasi, bi hiyedo dalaba iligi, bi mei o kediamokou nelaba degele ibane, nine solou do dege nelenou. Damaledo, solou do dabai olou fei keme ni degemou ilenou.

⁹ Godiha kuguokou be kou gue nalai dala, O taha nale hou hebesedi sagai kenou tefele, bi mei o kediamokou e bimai ke nemou ili kuhe.

O keme doudo o. E midihou bolou keme ta mei degele mei, you kegenou kuhe dalale.

Buk Song 112:9

¹⁰ Godiha hebe hai dabai degedi o kediamokou nale hou neimou sogolo idi. Godiha degeiye, segei sibige mai, suwi degeimou di mala

nađi sađai, keṅou tefei, Godiha bi olou fei kene nimokou nejbane ni bologuado dalaguali, damaleyodele i o sasai ilo, bi mei kediamokou ne ni dogou gulonou. Damaledo, ni midihō bolō ke kegenou degemou ibabe, oe nale hou sogoumou be, nale segei hiyedo mađi sađai keme Godiha nimokou ne nele.

¹¹ Godiha nimokou bi hiyedo nemou ile kaha degemou, ni o sasai ilo kediamokou ne sele hiyedo kefema solou do nele bolō. Ni sele kefema dogoguba, ei mala ya, bi mei o sasai kediamokou nejbabe, o kedia Godikou bolofeyode tobolou ile.

¹² Ni sele kefema solou do nele dabai ke degeli kaha degemou, Godiha e o sasai kediame bi ta mei degele mei. Bologuado dalaguali, Godikou bolofeyode tobou mou ile.

¹³ Diage ni dabai bolō ke degeiba duguoba, nime midihō bolodo ke kege milolou ididade tawaleba, Godikou hohobolou ile. Yobe, ni damaleyodema, Kelesuha degei kaha ta uwo bolofei ke dulo idi kahage, ni diabou, haba bi mei o sasai ilo kediabou de sele hiyedo ke solou do neiba dugulo kaha degemou.

¹⁴ Diage nimokou hohō hiyedo degeba, Godiha ni dogou guyedema diho bađa tobolou ile, Godiha ni hiyedo habaguguei dala kaha degemou.

¹⁵ Damaledo, Godiha solou do dimokou nei keme bolodo, di ta tawaga tobolou sađai mei. Di Godi emokou hiyedo bolofeyode tobou me.

**O ilo kedia Pol susuga tobolou
imou, sa Korin tie o kediane
emokou gofou degele imou,
Polha hagi ke doususu**

(Ta Hiye 10-13)

10

*O ilo kedia Pol e dabai ke huyafei degelamou
degele imou, e sima tobou*

¹ Ni o ilo kelege a tobe tobolou idibe, Pol eme dibou de dalalibe, gue degemou, amafeinou ta tobou di, ha fogou ilemou be, e ta gofou do dege kuguo nalama nediyodele idi. Kenou si, age nime Kelesuha midihoe e milou di kokou fimamabeede tobolou kuhe. Kelesu ege yousie huyafei degemou, ta amafeinou tobou mou siadi. Kegei degemou, a egele tobou ladi koume ni defeido duma.

² Niou tawaibou, kegeiye, a nimokou ile foloba, ta gofou dege tobouye. Damaledo, a ile folobabe, ta gofou dege tobolou. Yobe, ni o ilo kelege eibe sa sibige kuokou midihoe kenou milou ga idiyode tobolou idi kaha degemou.

³ Ei sa sibige kuokou kou dalaguadiye, kenou si eige biyadi o kedia degedi sagai kege ta degele idiyo mei.

⁴ Ei biyadi bi keme sa sibige kuokou biyadi bi ke mei. Biyadi bi, ei tolou dalagua koume

Godihā nelēbōu de dalali, ho o kediā kekai siōdi sagaī kegei.

⁵ Kegei kahā degemōu, ei obōu de taē biyolugi, die fimaī kasagaībōu, die ogōu gaī tabōu olōu feī kemē huyafeī degele ili kuhē. Damalēdo, Godi tawalamōu degeli kē akogudi fimaī kenē eige didiō degele idi, o sasaīyege Godihā tā duloba, Kelesuhā tagaiyā kenōu degemabadomōu.

⁶ Ei diā dalaba, nī ei tā olōu feī kē dulo seseibasi, eige nī o ilo kediā ei tā du ho fogōu babe, diāmokōu hebe kasagaī nelē ile.

⁷ Nī o die tōu kenōu duguo fī maga tobōu dama. O nā nōūsie nāme Kelesuhā ē bidade tawaibabe, nā koū gue tawa, nāme Kelesuhā ē bi debabe, eine Kelesuhā bidade tawa.

⁸ Hiye Ohā eimokōu tobōu mōu, ei ē dabai kōū degeli kuhē. Ei nī damaleyodei kē makolo kemē ē dafolu. Ē tagaiyā kenōu ei degeiye, nī damaleyodema nelēdo dege dalagua kehē. Kegei degemōu, ei dabai kē degedi kahā ā hohōbolōu ba, ei hū huyadefeī hebele fogubabe, ā sidifi ta degele mei.

⁹ Kenōu sī ā kuguo olōu feī kemē nī guē degemabeedema nalāma nelidade hobōu tawadama.

¹⁰ Kōu kegeiye, nī o ilo kelege tobolōu idibe, kuguo olōu feī, Pol ē nalāma nedibe tā gofōūbōu, nelēbōu de nalāma nedi. Ha ē hagua felē, di geleguo dalalibe, ē egei gofōū dege ta tobōu diyo mei. O dihīle tā tobolōu totōu yodele

idi.

¹¹ Kege toboloū idi o, nī nioū tawaiboū. Ei ile, nimokoū foloba, egele toboū lababe, ei ahudo dalali toboū di sagaī kenoū tefele toboū lamoū. Damaledo, ei nimokoū kuguo nalama nedi sagaī kenoū tefele haba toboū lamoū.

¹² O ilo kelegebe diōu die hū kenoū hebele fogulo idi. Eige ei hū hebele fogulobe dafa idi. O kegele i kediā diōu die fimaiyenoū diōusie tawaga file idi. Midihō keme totoū degele i o kediā midihō.

¹³ Einoū si eiyoū ei hū moū yōuwa hebele fogudiyo mei. Godihā ei toboū moū, e dabai degemoū suluguali, nī sabekoū ne ya fologamoū, egei hehegie toboloū i. Kegei degemoū, eige Godihā tagaiyanoū si, ei hū huyadefēi hebele fogulo ili kuhē.

¹⁴ Ei nimokoū ya fologa dabai degeli mei debabe, ei eiyoū ei hū hebele fogulobe kasagaī. Kenoū si Godihā ei toboū moū eibukoū ya, Kelesuhā tā uwo bolofēi ke nimokoū toboloū i kahā degemoū, eiyoū ei hū huyadefēi hebele fogulobe taboū mei.

¹⁵ O tae Godihā dabai degeli keme ei degeliyode toboū ma, ei hū ta hebele fogulo idiyo mei. Dabai, Godihā eimokoū degemabeede toboū kesi ei defēido degemoū iligi dugu, nime damaleyodei ke neledo dege dalali, eimokoū hohoboū ba, ei nī sabekoū haba yaba, diyoū fēi dabai hiyedo degele ile.

16 Ei sa sa ahudo, n̄i dala figiya ke* ya, ta uwo bolofei ke tobou lamou degele ili. Kegelig, Godiha dabai, sa takou o tae kou degei ke, haba eige ei degeiyodema, eiyou sie ei hu hebele foguye.

17 O taha yo[usie hohobou lababe, e yo[u e hu ke hebele foguda, Hiye Oha hu kenou hebele foguyedei. *Jeremaia 9:24*

18 Yobe, o taha yo[u e hu ke hebele fogubabe, o keme Hiye Oha dihile kokou be hu hiyefei mei. O taha e hu Hiye Ohanou hebele fogubasi, o keme e hube hiyedo kegenou dalale.

11

Polha midihobe ogou gai egei tobou di o kedia midihog sagai kegei mei

1 Ame totou degei oe ta tobou di sagai kege tobou lamou, ni mou duwoli, ta a tobou ladi ke duma.

2 Godiha ni dowo kona degedi sagai kenou tefei, a n̄ine kona dege dia dala kuhe. Sasai gisiai e ayeha omokou tileyodema makai sagai kenou tefei, age n̄ime Kelesukou tileyodema makai dala kaha degemou, a n̄ime sasai gisiai bolodo sa degei ke, Kelesukou nelamou degeli.

3 Kenou si a gue degeli, bei kaha sasai Ivkou ogou ga tobou sagai kenou tefe, obe nimokou

* **10:16 10:16** Ahudo sa keme sa hiyedo Rombou, sa Spenbou ke tobou sa degei. Na Dabai 19:21-bou Rom 15:24-28-bou kokou dugu.

ne kege ogoū ga tobouye domoū. Kegeligi, nī fimaj̄ oloū feī ke kasagaī degeba, nī midihō bolō kē toū fogoū ba, Kelesukoū fimā idi kē toū fogouye.

⁴ Ā guē degeli kahā yobe koū gue, o ilo kele ya, nī sabekoū fologa, Yesu sagaī tahā tā toboū moū be, nī damaledo Yesuhā tā, ei hehegiedi kē toū fogoū moū, o kediā ogoū gai tā kokoū damaleyodele ili kehē. Ogoū gai tā kokoū damaleyodema dalali, duo gehē tā malā ilamoū degele ili. Duo keme Duo Bolofeī, nī afu koū moū sagaī kegei mei. Duo tā moū lamoū, tā uwo bolofeī, nī dulo sesedi kē toū fogoū moū, ogoū gai egei dulo seselamoū hohō degele ili.

⁵ Nige ogoū gai egei toboloū idi o kediāme hū hiyedo dalaguayade tawale iliye, kenoū sī age die huyege mā hube tā gaba feli meidade tawali.

⁶ Ame egei hehegiedi o bolodo meiyodele iye, kenoū sī ame tewe hiyedo dala. Nī koū tewe, eige nimokoū tewe keboū de hehegie toboū moū haguei.

⁷ Ā Godihā tā uwo bolofeī kē nimokoū hehegiedi kahā hebe sele tā mōudiyo mei. Ā Godihā tā kē moū yōuwanoū hehegedibe, ā mayōusie huyafeī degemoū, nī hū kenoū hebele foguomoū daladi. Ā kē degedibe midihō kasagaī degediyo mei.

⁸ Damaleyodele i o sasaī, sa sa oloū feī tie kediā sele amokoū nelē idi, ā nī sabekoū Godihā dabai

degeyadomou. Midiho keme hiyou mouudi midihō sagai kegei, a o ilo kedia sele mouudi, ni sabekou dabai degedi kaha degemou.

⁹ A nibou de dalali, bi mei degeimou be, a nimokou ta hawadiyo mei. Sa Masedonia duo kile tie o kedianou si ni sa Korinkou ya fologamou be, amokou bi, a dala mei kenou nele idi. A nimokou hagi nele ke dafamou hagulugi, ifine yonu kegenou dala kuhe.

¹⁰ Kelesuha ta damaledo kou abou de dala kaha degemou, a nimokou damaledo tobolou kuhe. Age ni sele mouudiyo mei kaha, a hoho degenou dala. Sa Akaia duo kile tie o ta na midihō bolodo a milou di kaha hoho keme ta akogulo sagai meido.

¹¹ Ni tawalibe, a Godiha dabai degedi kaha hebe sele moloube kageimou dafadiya? A ni tagaiyo mei dale? Kege meido. Godiha tewe, a ni tagaido.

¹² Habagene, a egei tobou di kaha hebe sele ta moloou sagai meido. Yobe, ogou gai egei tobou di o kedia dioou die hu hebele fogulamou degeligi, o sasai dihile kokou ei sagai dalalamou degeli. Kegei kaha degemou, a tagalibe, nige tawaleba, ei midihobe o kedia midihō sagai kegei meidade tawamabadomou, a Godiha dabai degedi kaha hebe sele ta moloou tagaiyo mei.

¹³ O kediame ta-bolofei-mala-suluguadi-o mei. Godiha dabai ke degele idi o mei. O kediame ogou gai midihō milou goumou, o sasaiyege wa,

diame Kelesuha ta-bolofei-mala-suluguadi-oyade tawale idiye, kenou si gulokou.

¹⁴ O kedia ogou gai midihou milou ga idi kokou be ni hobou kesigidama. Tama ene ogou gai midihou milou goumou, o sasai ilo kedia duguomou be, diage wa, eme esol o bolodoyade tawale idi.

¹⁵ Tamaha dabai degedi o kediage die hiye oha degedi sagai kenou tefele degegoubane, ni hobou kesigidama. O sasai ilo kedia ke duguomou be, diage wa, midihou doudo o kedia degedi sagai ke degeliyade tawale idi. Diame habagebe ogou gai egei hehegiedi kaha hebe kasagai keme mala ile.

Polha ta-bolofei-mala-siei kelegebe hagi hiyedo dugudi

¹⁶ Ta, a kou tobou kenou haba tobou lamou. Nige ame totou degei oyade tawadama. Kenou si ni kege tawaibane, tabou mei. Totou degei o koumahou tobou ba дума. A mayousie huyadefei hiye degelamou.

¹⁷ A kouu tobou ladibe, a Hiye Oha tagaliya ke tobou lamou degeiyo mei. A totou degei oe ta tobou di sagai kege mayouu ma hu hebele fogulamou degeli.

¹⁸ O sasai sudo sa sibige koumahou midihou ke sesele yolugi, diou die hu hebele fogulo idi kaha, ane mayouu ma hu hebele fogulamou.

¹⁹ Nige nime fi gofouudo oyode tawale idiye, haba totou degele i o kedia nimokou ogou gai

egei tobou mou be, nige ta dafa idiyo mei, hoho dege dulo idi.

²⁰ Damaledo, ogou gai egei tobou di o taha ni fisilemou dabai degemabeede tobou mou ne, ogou ga tobou ma ni bi mouma imou ne, nimokou bou basia degeimou ne, ni huyafei degeimou ne, haba ni midihokou foumou ne, nige mou duguo fogou le idi.

²¹ Eige kege degele idiyo mei kaha degemou, nige eibe dedei mei oyodele idi. Ni ke tobolou be damaledo debabe, ame sidifi hiyedo degeli.

Kenou si o ilo kediage diou die hu hebele fogulobe ta guge degele idiyo mei. Nebe kenou tefei, ane totou degei o sagai degeba, mayou ma hu hebele fogulamou.

²² O kediamе Hibru oye, kenou si ane Hibru o. O kediamе Israel oye, kenou si ane Israel o. O kedia die hutu yodobe Abraham, kenou si ane ma hutu yodobe Abraham.

²³ O kediamе Kelesuha dabai degedi oyode tobolou idiye, kenou si dabai hiyedo, a degedi kahage die dabai keme gabama feleido dala. Kasagai hiyedo, a totou degei o бага mayou ma hu hebele foguo tobolou be sidifi hiyedo degeli. Asi Kelesuha dabai hiyedo degedi kaha degemou, a hagi hiyedo dugumou haguei, hagi o kedia dugulo ili keme gaba feleido. Ame didio hiyedo degega haguei. Dofou yene hiyedo wala idi. Damaledo, ame tolo kou hafei degema fogou dega haguei.

24 Juda o kediã dofoū ye ̄a houyosi kege wala i kelegebe, oloū fei 39 kege fā idi.*

25 Haba tabe, ̄ame sa Rom o kediã biyaye kamadia kege wala i. Haba tabe ̄ame igiye wala i. Haba tabe, ̄a t̄o dawalakoū mosoleye sulugi, wiye mosole bohoū moū, toyene kamadia kege wo fegei. Sawisiei tanoū tabe, ̄ame mosole fē bafou kokoū toloū dalamoū, huliameboū agaliboū toyee malā siei.

26 Ā sa sa ahuya sulugi, hagi sudo dugudi. Toyene walamoū degeimoū, haba ali duone hiyou mōudi oe walamoū degele imoū dei. Haba Juda oboū, sa ahudo tie oboū kediane walamoū degele idi. Sa hiyeboū, o mei saboū kelegebe ho oyene wala idi. T̄o dawalakoū ge mosole bohouloū moū ne, ̄ame tolo hafei degedi. Haba ogoū gai o, gule damaleyodele i kediane ̄a wala idi.

27 Ā agaliboū huliameboū de dabai hiyedo degemoū hagueibe, ̄a ta tieli mei. Ā naleboū hueiboū de nale sagaine dugumoū haguei. Haba kulio yukuei kali mei moū yōuwa duwoli, kulione hiyedo dugudi.

28 Ame hagi sudo dugumoū haguei. Haba hagi ̄a dugudi tabe koū gue, ̄a sawisiei oloū fei gue degemoū hagulube, damaleyodele i o sasai, sa sa oloū fei tie kediã die damaleyodei keme mihikoū

* **11:24 11:24** Juda o kediage o ta dofoū ye fā idibe, Lo 25:1-3 kahā toboloū be, oloū fei 40 kege fā idi. Kenoū si Juda o kediage maka 40 ke gabama folobe gue degemoū, 39 *kenoū fā idi*.

fiyasigeiye domou, a gue degemou hagulugi, ifine kuhe.

²⁹ Damaleyodele i o sasai nele mei degeimou be, ane fi hagi degedi. O sasai mihikou fiyasigeimou ne, ane hagi hiyedo dugudi.

³⁰ A mayoou ma hu hebele fogu ho fogou babe, a egei tobolou be ni ta dulo ile mei. Kenou si a mayoou ma neleyenou dabai ke degediyo mei kaha degemou, a mayoou ma hu hebele foguoba, ame dedei meiyodenou tobou lamou.

³¹ Hiye O Yesuha e Aye Godiha e hube di sawisie olou feido hebele fogume. Godiha kou tewe, a dedei mei degei kaha ta, a tobou ladi koume gulokou ta tobou ladiyo mei.

³² A sa hiyedo Damaskuskou dalamou, die hiye o, e hu Aretasha a ta saleyodema, e dabai dia daladi hiye o kokou tobou, na ami o kedia tobou ba, dia di sa koumahā kekai adiya olou fei amagamabeedei.

³³ Kenou si, ma mogo dia tigi moso tegei hiyedo ta malamou, a kodu sagiemou, kekai a kaiya ke tigi kokou tolou tou fofou gue mulugi, mihikou dogogumou, a dabai dia daladi hiye o ke tou fogou kama fou.*

12

Pol e diho bohoulou mamou dugube, Godiha emokou ta hiyedo hehegieimou dugu

* **11:33 11:33** Dabai 9:23-25

¹ A mayoꝑu ma hu hebele fogu ho fogou babe, ni a egei tobou ba dulo ile sagai mei kaha degemou, a mayoꝑu ma hu haba hebele fogulamou. Kenou si a ke degeli kaha, di ta dedei sasagile sagai mei. Tabou mei, a tieimi dugubou, mogogou tabou de, Hiye Oha amokou hehegiei kaha tanou tobou ladi.

² A Kelesubou de dogou guo daladi o ta tewe.* O kaha yoꝑusie dugube, eme Godiha hebenitou tou gulido* mala foloumou dugu. Ke duguomou deleibe, sadebe olou fei 14 kege mei degei. Godiha o keme tou bou gou guei mala felei, ha, finou mala felei, keme a ta tewe mei. Godi yoꝑunou si tewe.

³ O keme Godiha tou bou de mala felei, he, finou mala felei, keme a ta tewe mei. Godihanou si tewe.

⁴ O keme Godiha hebenikou mala foloumou, e dube, ta di ta tawaga tobolou sagai mei ke du. Ta keme kuolou hiyedo.

⁵ A o kegei kaha hu ke hebele fogulamou. Kenou si mayoꝑu ma hube a hebele fogulo sagai mei. A dabai degedibe mayoꝑu ma neleyenou degediyo mei. Kegei degemou, ame dedei mei kaha degemou, a ma hu hebele fogulamou.

⁶ A mayoꝑu ma hu hebele fogulaba degeibabe,

* **12:2 12:2a** Pol e yoꝑusienou tobou. Na 12:7 kokou dugu.

* **12:2 12:2b** Grik taeye 'hebeni koma' kodu mala foloumou dugu ke nalai. Ta kaha sibigebe *hebeni tou gulidomala felei*.

ā totou degei oe tā tobou di sagai kege tobolou mei. Yobe, ā tā damaledonou tobolou kaha degemou. Kenou si ā mayoŋu mā huŋe hebele fogulo sagai mei, o tae mā hu mou hebele foguye domou. Midiho ā degegoumou dugulo idibou, tā ā tobou mou dulo idibou kokou genou o sasai kediage mā midiho tewe.

Pol eme aye sagai kegeiye wei dala

⁷ A tieimi dugu sagai kege dugube, Godiha amokou hehegieimou dugu keme di ta tawaga tobolou sagai mei. Kenou si, ā mayoŋusie hoho degeiye domou, Godiha sesegumou, Tamaha e dabal degedi o tobou mou hagua, aye sagai kaha ā tahoumou, do hiyedo dugumou hagulugi, ifine kegenou dala kuhe.

⁸ Kegei degemou, ā Hiye Ohā mā do ke bo-
loguouba bolō degeyadomou olou fei kamadia kege diho baga tobou mou haguei.

⁹ A kege diho baga tobou mou, Hiye Ohage amokou be, name mayoŋunou habagugueiba siayedei. Na kou nele mei degeiye, haba mā neleyenou subabe, na mā nele hiyedo ke duguloyode tobou. Kegei degemou, ame nele mei degeimou, Kelesuha neleyenou dogou guo dalamou sulu kaha, ame hoho degeli.

¹⁰ Damaledo, ā Kelesuha dabal degega sulu kokou ge ā nele mei degedibou, oe ā susuga tobou dibou, ā hagi kagei kagei dugudibou, ho oe ā makolamou degedibou, ā mou tiadibou kokou

be a hohōnōu degedi. Ame nelēbōu meiyē, kenōu si nelē hiyedo dala kuhe.

Polha sa Korin o sasai kedia damaleyodei ke dedei sasagielamou degei

¹¹ A mayoŋu mā hu hebele fogu kaha ta nalai keme kasagai, totou degei oe tobou di sa degei. Kenou si ni degeiye a kege kuhe degei. Nige ogou gai egei tobolou idi o kediame hu hiyedodade tawale iliye, kenou si age die huyege mā hube gabama feli meidade tawali. Damaledo, ame hubou meiyē, kenou si ni mā hu hebele fogu debabe bolō.

¹² A ilemou nibou de dalali, ni dihile kokou midihō gehe gehe milou goumou, ni duguo kesigiemou, ame ta-bolofei-mala-siadi-odade tawale i. A hagi hiyedo kou dugudiye, dabai ke nelēdo dege degedi.

¹³ A damaleyodele i o sasai, sa sa olou fei tie kediabou de sulugi, midihō, a die sabekou milou ga siadi ke ni sabekou ne milou gadi. Ni bimaine a moloŋu sagai degediyo mei. Kegemou, a nimokou degeibe kasagai degei ta de dala? Kegei debabe, nige keme gebe meiyodema.

¹⁴ A nimokou bolou kege kou ilemou haguei. Ifibe a tage iladi kehe. A ile foloba, a bi ta mei degeba, ni a dogou gumabeede tobolou sagai mei. Damaledo, a ileba ni bimai ta moloŋu mei. A ninou dugu ilamou degeli. Nime mā sisigo sa degei kaha, a ni dogou gulamou. Ni tewe,

dihi huyadeifeiyege e aye adioū diliemokōū nale nediyo mei. Aye adioū dilienōū dilie dihiokōū nale nedi.

15 Kegei degemōū, a ma bimaj olou fei ke hohō dege nemaba, haba mayoūsieni nīmokōū nelamōū degeli. A nīmokōū solou do hiyedo degeimōū be, nige kageimōū amokōū huyadefeinōū solou do degele iya?

16 Ni tewe, a ile nibōū de delei kelegebe, a nīmokōū hagi ta nelī mei, haba ni bine a ta mōū lī mei. Kenōū si, ni o ilo kediage wa, Pol yoū e fi gofoūyenōū di ogōū gama, bi hiyedo amafei moyade tawale idi.

17 A ma dabai o tanōū ta de tobōū mōū nīmokōū ile ogōū gama, ni bimaj ta de hiyou mōū? Kegeli mei.

18 A Taitusbōū, di mogo tabōū dilie tobōū mōū nīmokōū ile deleigueibe, di olou fei tewe, Taitus ege ni ogōū gama ni bimaj ta hiyou mōū lī meidade tawali. A nīmokōū damaledo tobolou kuhe, Taitus elebe fi tanōū degemōū, dabai tanōū fei degele idi.

19 A tawali, nige kuguo koū husoūma, ei ni dihi kokōū eiyōū sie doususulo iliyade tawale ileye, kenōū si kege mei. Ma mogodo diama, eibe Kelesubōū de dogōū guo dalaguali, Godiha dihi kokōū eige ni damaleyodei ke dedei sasagielamōū nalolu.

20 Yobe, a nīmokōū ileba dugu, nime a tagaliya

ke dalaguaba dugu ho fogou ye domou gue degeli. Ha nige ane o ni tagali mei ke duguye domou. Kegeligi, ni tae biya, konabou gofo ubou degeba, niou ni hunou hebele foguo, yogo susuga tobolou, tobe tobolou, ta du ho fogou, kefema o walaba dege dele iba duguye domou, a gue degeli.

²¹ A ileba dugu, nime midihog kasagai kenou milou ga iba duguoba, a Godiha dihile kokou sidifi degeiye. Ni o sasai sudo kedia sibigi degedi midihog kebou, sasai hiyou siadi midihog kebou, o hiyou siadi midihog kebou, tou e tagadi midihog kasagai gehe gehe kebou olou fei ke milou gamou haguei keme, fi bohou li mei dalaba, a hagi degeiye.

13

Sa Korin o sasai kedia die damaleyodei keme defeido dia dalamabeedei

¹ A nimokou bolou kege kou ile dala dema haguei. Ifibe a haba tage iladi kehe. Godiha kuguokou be kou gue nalai dala, O bolouyo, kamadia kege kedia hagi ke duguo tawaleba doususulo. *Lo 19:15*

² A nimokou bolou kege kou ile dala dema haguei. A sasama ke ilemou dalali, nimokou kou egele tobou. Ifine, ame kou ahudo dalaye, haba bohoulou ma ilamou, egele tobolou mou nalama nelikuhe. O sasai midihog kasagai, afu miloune, ebele miloune, a duguoba duguo fogolou mei.

3 Nige a tobolou keme Kelesuha tobolou dade tawalamou degeli kaha degemou, ni kou tawama, Kelesuha ma mogouya ke nimokou tobolou be, ta nele mei dege tobou yo mei, e neledo dege tobolou.

4 Kelesu e hebe fufuguomaikou ikoke degele i kelegebe, e ta nele degeli mei. Haba Godiha neleyenou e gehe degei dala. Nebe, Kelesu e nele degeli mei sagai kenou tefei, eine nele meiyee, kenou si Godiha eimokou nele neimou, ei nele dege dalagua kuhe. Godiha nele keme ei nimokou hehegile.

5 Ni niou sie file duguma. Nime Yesu Kelesukou de damaleyodei dalagua? Nige eme ni duledube de daladade tawale ili? E nibou de dala mei debabe, ni emokou damaleyodele iyo mei.

6 Nige eibe Kelesuha dabai degeligi, tefele dugumou be, mihikou fiyasigeiyo meidade tawama.

7 Eige ni midihou kasagai milolou iye domou kuhe dihou baga tobolou idi. Eige oe eibe o boloyode tawamabdomou, dihou baga tobolou idiyo mei. Haba oe eibe mihikou fiyasigeidade tawaibane tabou mei. Eige ni midihou bolonou milou gamabdomou kuhe dihou baga tobolou idi.

8 Ei damaledo ta koume ta huyafei degele sagai mei. Ei damaledo ta kenou hehegile idi.

9 Nime kou damaleyodema nele dege dalaguaba, einou nele mei dege dalaguababe, tabou mei. Ei hohou degele ilenou . Damaledo,

eige n̄ime Godikōu damaleyodema neleḁo dege dalaguamabadomōu kuhe diho baḡa tobolōu idi.

¹⁰ A ahudo dalali, egele tobolōu kaha yobe, a n̄imokōu ileba, ta gofoḡudo dege tobolōu be ta tagaiyo mei. Hiye Ohage ame ileba, n̄i dedeḡi sasagieyedei. Haba a n̄i damaleyodei ke makoyadomōu iyedili mei.

Polha uwage ta tobolōu mōu nalagai

¹¹ Mogo diama, a ise ta mei degelamōu uwage ta tobolōu kuhe. N̄ime neleḁo dege dalagualaba degema. A tobolōu koḡu defeḡido duma. N̄i fi tanōu degeba, n̄iōu sie mogo degeiba mogo degeiba dema. Kegeibasi, Godiha n̄ibōu de dalale. Eme solōu do degedi Godi. E degeiye, n̄i bologuado dalaguadi.

¹² N̄ime Godiha o sasai degei kaha degemōu, n̄i n̄iōu sie yogo nogōu ba nogōu ba dema. Godiha o sasai olōu feḡi kedia n̄imokōu agali bolofeḡiyode tobolōu kuhe.

¹³ Hiye O Yesu Kelesuha n̄i habagugueiba, Godiha n̄imokōu solōu do degeiba, Duo Bolofeḡihane n̄ibōu de dogōu guo dalale.

Konai
Konai: Godiha Ta Bolofei New Testament
Nupela Testamen long tokples Konai long Niugini
copyright © 2014 Wycliffe Bible Translators, Inc.

Language: Konai

Contributor: Wycliffe Bible Translators, Inc.

All rights reserved.

2025-05-08

PDF generated using Haiola and XeLaTeX on 7 May 2025 from source files
dated 8 May 2025

8c47cab8-fc6e-524e-936f-c52eba70db94